

Alọdlẹndonu Nuplọnwẹ Opli Gbẹzan po Lizọnyizọn po Tọn

4-10 JUILLET

**NUHỌAKUẸ LẸ SỌN OHÓ JIWHEYẸWHE
TỌN MẸ | 2 SAMUẸLI 18-19**

“Balzilai Yọn Dogbó Etọn”

w07 15/7 14 huk. 5

Balzilai—Dawe de He Yọn Dogbó Etọn Lẹ

Matin ayihaawe, Davidi yọn pinpen alogọ Balzilai tọn taun. E na vẹawu nado wá ta-dona kọn dọ aholu lọ to tintenpon nado suahọ ẹ gbọn nukunpipedo nuhudo agbasa tọn etọn lẹ go dali. Balzilai adokunno lọ ma tindo nuhudo alogọ monkoton tọn gba. Davidi sọgan ko jlo dọ dawẹ yonhonọ enẹ ni tin to họnme na jẹhenu dagbe etọn lẹ wutu. Gbégbò daho wẹ e na ko yin na Balzilai nado gbọsi họnme aholu tọn bo duvivi lẹ-blantulọkeyi he nọ wá sọn honton aholu tọn yinyin mẹ lẹ tọn.

w07 15/7 14 huk. 7

Balzilai—Dawe de He Yọn Dogbó Etọn Lẹ

Whẹwhinwhẹn dopo na nudide Balzilai tọn sọgan ko yin yonhowhe etọn po dogbó he e behen lẹ po. Balzilai sọgan ko lẹdọ ewọ ma na nọgbẹ den ba. (Psalm 90:10) E ko wá nuhe go e pé nado nọgodona Davidi, ẹgba e sọ yọn dogbó he yonhowhe behen lẹ. Balzilai ma dike linlen yindidi po mejome-yinyin po tọn ni glonalina en nado lennupondo nugopipe etọn lẹ ji po lenpon dagbe po. To vogbingbon mẹ na Absalom olo zогbẹnọ lọ, Balzilai yí nuyonen do do whiwhe hia. —Howhinwhẹn lẹ 11:2.

w07 15/7 15 huk. 1-2

Balzilai—Dawe de He Yọn Dogbó Etọn Lẹ

Kandai Balzilai tọn dohia dọ mí dona yin lenpon dagbenọ. To alọ de mẹ, mí ma dona gbẹ lẹblantulọkeyi sinsenzon tọn dai kavi gbẹ nado dovivenu na mí jlo na zan gbẹ-

zan vivomenino tọn kavi na mí lẹdọ mí ma sọgan didá azongban wutu. Jiwheyewhe sọgan goalona mí nado jẹ yanwle lẹ kọn eyin mí ganjẹ ewọ go nado mọ huhlọn po nuyonen po yí.—Filippinu lẹ 4:13; Jakobu 4:17; 1 Pita 4:11.

To alọ devo mẹ, mí dona yọn dogbó mítọn lẹ. Di apajlẹ, Klistiani de sọgan ko hẹn alọnu ede tọn ján po nuwiwa gbigbome tọn lẹ po. E modọ eyin ewọ kealoyi lẹblantulọkeyi devo lẹ, e yonbasi dọ azongban Owe-wiwe tọn lẹ taidi nukunpipedo whẹndo etọn go ni yin vodon. To ninome monkoton mẹ, be e ma na yin dohia whiwhe po lenpon dagbe po tọn to adà etọn mẹ nado gbẹ lẹblantulọkeyi devo lẹ to alonu din whẹ ya?—Filippinu lẹ 4:5; 1 Timoti 5:8.

Onú Sisosiso Gbigbome Tọn Lẹ

w20.04 30 huk. 19

“Họn Alewezun lọ Jẹ Vivonu”

¹⁹ Eyin a to pipehẹ madogán delẹ bo nọ modọ medevo lẹ ma monkunnujẹ emi go, apajlẹ Mefiboseti tọn sọgan hẹn we lodo. (2 Sam. 4:4) E dona doakonna mado-gán agbasa tọn de, podọ Aholu Davidi ẹi whẹdana en. E ma yin Mefiboseti losu wẹ hẹn whlepon ehele wá ede ji. Etomoso, e ma wleawuna pondohlan agọ lẹ; e yí nukun nujonu tọn do pọn onú dagbe he jọ dego to gbẹzan etọn mẹ lẹ. E yọn pinpen homedagbe he Davidi dohia ẹ wayi tọn. (2 Sam. 9:6-10) Enẹwutu, to whenue Davidi dawhẹ agọ na en, Mefiboseti monú zẹ nuhahun enẹ go. E ma na dotenmẹ nuwiwa Davidi tọn nado hẹn en gblehome. Podọ e masọ dowhẹ Jehovah na nuhe Davidi wá. Mefiboseti ze ayiha do nuhe e sọgan wá nado nọgodona aholu dide Jehovah tọn ji. (2 Sam. 16:1-4; 19:24-30) Jehovah hẹn en

diun dọ apajẹ dagbe Mefiboşeti tọn yin kin-
kando Ohó Etọn mẹ na ale mítọn.—Lom.
15:4.

AWUWIWLENA LIZONYIZON KUNNUDE- GBE TON

w21.08 23-25 huk. 15-19

**Nọ Mọ Ayajẹ to Lẹblanulọkẹyi He A Tindo
lẹ Mẹ**

¹⁵ Yanwle tẹlẹ wẹ a gán zedai na dewe? Biọ to Jehovah si dọ ni gọlọna we nado yọn yanwle he kọn a gán jẹ lẹ. (Howh. 16:3; Jak. 1:5) Be a gán doafona dopo to yanwle he yin nùdego to hukan tintan hosọ ehe tọn mẹ lẹ mẹ, enẹ wẹ nado bayi gbehosonalito alọgọtọ tọn kavi whepoponu tọn, nado sẹn to Bẹteli kavi doalo to nọten yewheholuduta tọn lẹ gbigbá mẹ ya? Kavi vlavo a do nugopipe lọ nado plọn ogbè yoyọ de bo dọ yewheho na mesusu dogọ kavi tẹ gbloada na yewhehodidọ to jonọ-gbéji. A gán yọn nuhe delẹ to yanwle ehele mẹ behen dogọ eyin a gbadoponna weta 10tọ owe lọ *Mí Yin Tito-Basina Nado Wà Ojlo Jehovah Tọn*, podọ eyin a dọho hẹ mọho agun tọn towe lẹ. Dile a to vivenu nado jẹ yanwle enẹle kọn, nukonyiyi towe na họnwun podọ ayajẹ towe nasọ jideji.

¹⁶ Amọ, etẹwẹ lo eyin to alonu a ma gán jẹ yanwle he yin nùdego wayi lẹ de kọn? Asli lọ wẹ nado ze yanwle devo de dai, enẹ wẹ dehe kọn a gán jẹ sọgbe hẹ lẹpon dagbe. Lennupondo dotenmẹ hundote he bodego ehele ji.

¹⁷ **Hia 1 Timoti 4:13, 15.** Eyin memesunu de wẹ a yin, a gán dovivenu nado hẹ nugopipe hodidọ po mepinplọn tọn towe po pọnte. Etẹwutu? Na eyin a nọ “jo dewe na” wehiahia, hodidọ po mepinplọn po, a na yin dona de na hosetọ towe lẹ. Yí do bayi

yanwle nado gbadoponna jẹhenu hodidọ tọn he to alonuwe lọ *Jo Dewe Na Wehiahia po Mepinplọn Po* mẹ lẹ dopodopo bosọ yí yé do yizan mẹ. Nọ plọn jẹhenu dopodopo bo nọ bayi zepọn yetọn to whégbè, bosọ dovivenu nado yí yé zan to azondenamẹ hodidọ tọn towe lẹ mẹ. Nọ kàn ayinamẹ biọ ayinamẹto alọgọtọ kavi mọho agun tọn devo he “nọ wazọn sinsinyen to hodidọ po mepinplọn po mẹ lẹ.” (1 Tim. 5:17) Dovivenu nado monukunnujẹ nupinplọn alonuwe lọ tọn lẹ mẹ, bosọ gọlọna hosetọ towe lẹ na yé nido hẹn yise yetọn lodo kavi whàn yé nado yinuwa. Gbọnmọ dali, a na yidogona ayajẹ yetọn po towe po.

¹⁸ Mímepo wẹ yin azondena nado dọyewheho bo hẹn gbẹtọ lẹ zun devi. (Mat. 28:19, 20; Lom. 10:14) Be a na jlo nado hẹn azonyinyonẹn towe pọnte to azọn titengbe ehe mẹ ya? Nọ ze yanwle tangan lẹ dai dile a to nuhe a plọn to alonuwe lọ Mepinplọn mẹ lẹ yí do yizan mẹ. A gán mọ ayinamẹ yon-na-yizan devo lẹ to *Nuplönwe Opli Gbẹzan po Lizonyizọn Mítọn po Tọn* gona nuzedonukonnamẹ video tọn he nọ yin didohia to opli osẹ sẹnsẹn tọn ji lẹ mẹ. Nọ tẹn nuzedonukonnamẹ voovo lẹ pọn nado yọn dehe na wazọn hugan. Eyin a hodo ayinamẹ ehele, ayihaawe ma tin dọ a na do numimọ ayajẹ mayonjẹ he lizonyizọnwatọ Klistiani he yin azonyonẹn to de nọ tindo tọn.—2 Tim. 4:5.

¹⁹ Whenu a to nulẹpon do yanwle he a na zedai lẹ ji, ma yí nukunpẹvi do pọn yanwle he yin nujonu hugan lọ blo, enẹ wẹ awuwilena jẹhenu Klistiani tọn lẹ. (Gal. 5:22, 23; Kol. 3:12; 2 Pita 1:5-8) Nawẹ e gán pà we gbọn? Mí ni dọ dọ a jlo na wleawuna yise he dolido de. A gán hia hosọ delẹ to owe mítọn lẹ mẹ he na ayinamẹ yon-na-yizan lẹ gando

lehe a gán hén yise towe lodo do go. Ma-
tin ayihaawe, a na mọaleyi eyin a pón adà
Televiziọn JW® tọn de he dọhodo lehe mẹ-
mẹsunnu po mēmeyonnu míton lẹ po do
yise ayidego tọn hia to whlepọn voovo lẹ mẹ
do ji. Enẹgodo, lẹnnupondo aliho he mẹ a
gán hodo apajẹ yise yeton tọn to gbẹzan
towe titi mẹ do ji.

11-17 JUILLET

NUHỌAKUẸ LẸ SỌN OHÓ JIWHEYẸWHE TỌN MẸ | 2 SAMUẸLI 20-21

“Jehovah Nọ Dawhẹ Dodo”

It-1-F 1047 huk. 3

Gibeṣoni

Akọ dowhenu tọn Gibeṣoninu lẹ tọn ma buse
sọn aimẹ to owhe kanweko susu godo, ma-
hoponna dọ Ahọlu Sauli kàn ayiha nado hù
yé sudo. Amọ, yé yí homẹfa do nọtepon Je-
hovah, na e nido dádọ whẹho lọ mẹ. Huwe
owhe atọn daa tọn de wẹ Jehovah yizan
bo do wàmọ to gandudu Davidi tọn whenu.
Davidi kanhose Jehovah bo wá mọdọ whẹ-
ho hùnsọndai tọn de wẹ zón. Enẹwutu, e
dọho hẹ Gibeṣoninu lẹ nado yọn nuhe yẹ gán
wà nado basi ovesè. Po whejijọ po, yé gblon
dọ e “ma yin whẹho fataka kavi sika tọn,” na
Osẹn lọ dọ dọ yé ma dona kẹalọyi ofligo do
hlónhutọ de tamẹ. (Sọh 35:30, 31) Yé sọ
mọnukunnujẹmẹ dọ emi ma do aṣẹ nado hù
mẹde eyin mēhe to oten aṣẹpipa tọn mẹ de
ma na emi gbè. To whenue Davidi dín na yọn
nuhe e gán wà wẹ yé do wá biọ dọ yé ni yí
ṣinawe to “visunnu” Sauli tọn lẹ mẹ na yé.
Eyin kandai lọ dọ dọ hùnhọ to okọ na Sau-
li po whẹdo eton po, be “visunnu” eton lẹ
hopódona ẹn to aliho de kavi devo mẹ, dile
etlẹ yindọ Sauli wẹ na ko yin tontlóngbọn.
(2Sa 21:1-9) To whẹho ehe mẹ, visunnu lọ lẹ

ma kú na ylando otọ yeton tọn wutu (De
24:16) kakatimọ, osẹn-ba he dọ dọ “ogbẹ na
yì na ogbẹ” wẹ hò yé.—De 19:21.

Onú Sisosiso Gbigbomẹ Ton Lẹ

w13 15/1 31 huk. 14

Mẹho Agun Tọn lẹ Yin ‘Azónwatọ Hatọ lẹ Na Ayajẹ Mítọn’

¹⁴ Lẹdo aihon pé, omẹ Jehovah tọn lẹ to
sinsẹnzon yeton hendi mahoponna aliglón-
namenu he Satani po godononameto eton
lẹ po nọ zedonukonna yé lẹ. Delẹ to mí mẹ
ko pehẹ avunnukundiọsọmenu he nọ kàn
depe biọ lẹ, ṣigba mí nọ ganjẹ Jehovah
go mlenmlen nado duto yé ji dile Davidi
gbawhàn Goliati tọn do. Etomoso, dile mí
to pipehẹ kọgbidinamenu aihon ehe tọn lẹ
zonmii, onú nọ wá ṣikona mí bọ mí nọ gbọ-
jọ to whedelenu. To ninomẹ gbigbojọ tọn
monkoton mẹ, e nọ bọawu nado joawuna
kọgbidinamenu he ji mí sọgan ko dù te po
awubibọ po lẹ. To ojẹ monkoton lẹ mẹ,
alọgo he wá do gannmẹ sọn mēho de dè sọ-
gan gọalona mí nado gọ ayajẹ po huhlón
mítọn po mọyi, dile mēsusu ko tindo nu-
mimọ eton do. Mēmeyonnu gbehosonalitọ
whepoponu tọn de he tindo nudi owhe 65
dọmọ: “To ojẹ de mẹ wayi, n’ma to gán-
gán, podọ sinsẹnzon kunnudegbe tọn nọ
hén nuṣikona mi. Mēho de doayi ninomẹ
ṣie go bo dọnsẹpọ mi. Mí tindo hododopọ
tulinamẹ tọn he sinai do Biblu ji de. N’yí
ayinamẹ he e na mí lẹ do yizan mẹ, podọ
n’mọaleyi sọn e mẹ.” Ewọ yidogọ dọmọ:
“Lehe nuyiwa mēho enẹ tọn gọ na owanyi
do sọ to whenue e doayi madogán ṣie go
bo gọalona mi!” Na nugbo tọn, homẹ mí-
tọn nọ hùn nado yọnen dọ mí tindo mēho
lẹ he nọ gbọn owanyi dali na mí ayidonu-
go bo nọ wleawufo nado ‘gọalona mí’ dile
Abiṣai wá do to hohowhenu.

18-24 JUILLET

NUHQA KUẸ LẸ SỌN OHÓ JIWHEYẸWHE TỌN MẸ | 2 SAMUẸLI 22

“Nọ Ganjẹ Alọgọ Jehovah Tọn Go”

c/ 19 huk. 11

Be Hiẹ Sọgan ‘Dọnsẹpọ Jiwheyẹwhe’ Nugbonugbo?

¹¹ Onú dopo wẹ e yin nado hia dọ Jiwheyẹwhe “sinyẹn to huhlọn mẹ.” (Isaia 40:26) Onú devo pete wẹ e yin nado hia lehe e whlẹn Israeli gán to Ohù Vẹẹ mẹ bo penukundo akọta lọ go to zungbo mẹ na owhe 40 do. Hiẹ sọgan yí nukun home tọn do pọn lehe agbówhẹn osin tọn lẹ to mimá do awe do. Hiẹ sọgan yí nukun home tọn do pọn lehe akọta lọ—vlavo gbẹtọ he yí 3000000 lọ lẹpo, to zọnlínzin gbọn aigba kló jì, bọ osin lẹ mlin dote taidi adó gán-gán to adà awe lẹ jì. (Eksodusi 14:21; 15:8) Hiẹ sọgan mọ kunnudenu hihọ-basinamẹ po nukunpedomẹgo Jiwheyẹwhe tọn po to zungbo lọ mẹ. E hẹn osin nado tọnjẹgbonu sọn osó mẹ. Núdùdù, he taidi okún wéwé lẹ nọ ja do aigba. (Eksodusi 16:31; Osọha lẹ 20:11) Jehovah dohia tofi dọ e ma yindọ emi tindo huhlọn poun wẹ gba ẹigba emi nọ yí ì zan na dagbe omẹ emitọn lẹ tọn. Be e mayin jidenamẹnu de wẹ e yin nado yọnen dọ odẹ mítọn lẹ nọ yí Jiwheyẹwhe huhlọnnọ lọ dẹ, mẹhe yin “fibẹtadọ po huhlọn mítọn po, alọgọ alọnu-alọnu tọn to tukla mẹ” ya? —Psalm 46:1.

w10-F 1/6 26 huk. 4-6

“Hiẹ Nọ Yinuwa po Nugbonọ-Yinyin Po”

Mí ni yí sọwhiwe do lẹnnupọndo nuhe Davidi dọ lẹ jì. Hodidọ Heblugbe tọn he yin lilẹdo “yinuwa po nugbonọ-yinyin po” gán sọ yin lilẹdo “yinuwa po dagbewanyi po.”

Ehe dohia dọ owanyi wẹ nọ whànme nado yin nugbonọ. Owanyi he Jehovah do na mẹhe nọ yin nugbonọ na ẹn lẹ wẹ nọ zón bọ e do nọ tẹdo yé go.

Humọ, nugbonọ-yinyin ma yin nùmẹ-yozo; e nọ biọ dọ yè ni yinuwa. Davidi gán dekunnu etọn dọ Jehovah *nọ yinuwa* po nugbonọ-yinyin po. To whenue gbẹmẹ dózin do e, Jehovah goalọna ẹn, yí nugbonọ-yinyin do basi hihọna ẹn bo deanana ẹn, na ahọlu nugbonọ de wẹ wutu. Davidi yọn pinpẹn enẹ tọn bo tẹ dọ dọ Jehovah wẹ whlẹn emi ‘sọn alọ kẹntọ emitọn lẹpo tọn mẹ.’—2 Samuẹli 22:1.

Etẹwẹ nuhe Davidi dọ lẹ plọn mí? Jehovah ma nọ diọ. (Jakọbu 1:17) E ma nọ diọ nujinọtẹdo etọn lẹ, podọ e nọ de opà etọn lẹ janwẹ. Davidi jihàn dọmọ: “Jehovah . . . ma na gbẹ nugbonọ etọn lẹ dai.”—Salmu lẹ 37:28.

Onú Sisosiso Gbigbomẹ Tọn Lẹ

w12 15/11 17 huk. 7

Wleawuna Gbigbọ Mèdezewhè Tọn

⁷ Apajlẹ whiwhẹ tọn Jiwheyẹwhe tọn yinuwa do Psalm-kantọ Davidi jì sisosiso. E jihàn hlan Jehovah dọmọ: “Hiẹ ko na awọyinu whlẹgán towe tọn mi ga: jijọ dẹdẹ [kavi whiwhẹ] towe ko hẹn mi zun daho.” (2 Sam. 22:36) Davidi yọnen dọ emi penugo nado wà onú daho he emi wà to Israeli lẹ na Jehovah yinuwa hẹ emi po whiwhẹ po to whenue e na emi ayidonugo bo goalọna emi. (Ps. 113:5-7) Be nudopolọ wẹ e yin na mìlọsu lẹ ya? Jẹhenu, nugopipe kavi lẹblanulọkeyi tẹwẹ depope to mí mẹ tindo bọ e “ma yin dọ [mí] mọyi” sọn Jehovah dẹ wẹ? (1 Kọl. 4:7) Mèhe nọ ze ede whè “klo” to linlẹn lọ mẹ dọ e nọ yọn-na-yizan dogo na Jehovah. (Luku 9:48) Mì gbọ mí ni lẹnnupọndo lehe enẹ yinmọ do jì.

AWUWIWLENA LIZONYIZON KUNNUDE- GBE TON

w06 15/8 21 huk. 7-8

Job—Dawe Akõndonanuto Podõ Tenõgli-
nõ De

⁷ To egbehe, dile etlẽ yindõ Klistiani susu ma nõ jiya jẽ obá he mẽ Job jiya jẽ, whlepon wunmẽ voovo lẽ nõ sayana yẽ. Mẽsusu nõ pehẽ homẽken kavi nuhahun whẽdo tẽn lẽ. Nuhahun akuẽzinzan tẽn kavi agbasamalo sogan hẽn flumẽjiẽ wá. Mẽdele ko hẽn ogbẽ yetẽn bu do yise yetẽn tamẽ. Na nugbo tẽn, mí ma dona lẽnõ Satani wẽ nõ hẽn nugba-jẽmẽji he nõ sayana mí lẽpo wá gba. Nado dõ hõjohó, nuhahun delẽ tlẽ sogan wá sòn nušwa mítẽn titi lẽ kavi sòn oblõ he mí dugu etẽn lẽ mẽ. (Galatianu lẽ 6:7) Podõ mímẽpo wẽ nõ jiya nugandomẽgo ylankan yõnhowhe tẽn lẽ po nugbajẽmẽji jowamõ tẽn lẽ po. Biblu hẽn ẽn hõnwun dõ Jehovah ma nõ basi hihõna devizõnwatõ etẽn lẽ todin sòn yajiji mõnkõtẽn lẽ mẽ to azõnjia-wu-liho gba.—Yẽwhẽhodõtõ 9:11.

⁸ Etomõšo, Satani sogan yí nuhahun he mí nõ pehẽ lẽ zan nado dekanpona yise mítẽn. Apõteli Paulu dõ dõ ‘owùn to agbasalan mẽ, mẽdagun Satani tẽn he to nuli i de,’ sayana emi. (2 Kõlintinu lẽ 12:7) Vlavo ehe yin nuhahun agbasalilo tẽn, taidi nukun-zõn, kavi onú devo de, Paulu yõnẽn dõ Satani sogan yí nuhahun lõ po ayimajai he e nõ hẽnwa po zan nado de ayajẽ emitẽn pò bo hẽn tenõgli emitẽn gble. (Howhinwhẽn lẽ 24:10) To egbehe, Satani sogan yí hagbẽ whẽdo tẽn lẽ, wehõmẽvigbẽ lẽ, kavi gandudu ašẽ-glanglan panamõtõ lẽ zan nado dohomẽken devizõnwatõ Jiwheyehehe tẽn lẽ to aliho delẽ mẽ.

25-31 JUILLET

NUHQAUE LẼ SỌN OHÓ JIWHEYẼWHE
TỌN MẸ | 2 SAMUẼLI 23-24

“Nunina Jehovah Nõ Biõ Avõsinsan”

it-1-F 153 huk. 5

Alauna

Alauna jlo na na likun-flétẽn etẽn, oyin po nake he avõsinsan lõ na biõ lẽ po, amõ Davidi tẽkudeji dõ emi na suahõ ẽ. Kandai he to 2 Samuẽli 24:24 mẽ dohia dõ Davidi hõ likun-flétẽn lõ po oyin lõ lẽ po yin šekeli fataka tẽn 50 (63822FCFA). Amõ, 1 Otannugbo lẽ 21:25 dõ dõ šekeli sika tẽn 600 wẽ Davidi sú bo do hõ aigba lõ (nudi 44675400FCFA). Akuẽ he e biõ nado hõ fie agbà lõ te po nuhe avõsinsan lõ na biõ lẽ po ji wẽ mẽhe kãn Samuẽli Awetõ zinnudo. Enẽ wẽ na ko zõn bõ e do donũ akuẽ he nulõ lẽ hihõ dù kẽdẽ go. To vogbin-gbõn mẽ, mẽhe kãn Otannugbo lẽ Tintan uwõ dõho gando aigba lõ hihõ po onú voo-vo he tẽmpli lõ gbigbá na biõ lẽ po go. (1Ot 22:1-6; 2Ot 3:1) Na aigba he ji yẽ gbá tẽmpli lõ do klo taun wutu, šekeli sika tẽn 600 lõ na ko yin akuẽ he Davidi do hõ nõtẽn lõ. E ma yin akuẽ he e do hõ nõtẽn kleun he ji e do agbà lõ do.

w12 15/1 18 huk. 8

Plõnnu sòn ‘Adà Tangan Nugbo lõ Tẽn’ Mẽ

⁸ Eyin avõsinsan he Israelivi de jlo na basi dohia dõ e *desõn ojlo mẽ* nado do pinpẽn-nutẽn-yinyõnẽn ahundopo tẽn hia Jehovah kavi, taidi to whẽho avõnunina mimẽ tẽn mẽ, yin obiõ de nado mõ nukundagbe etẽn, to whelõnu lo nunina kanlin tẽn he sõgbe de dide ma dona yin nuhahun na ẽn. Homẽ Israelivi lõ tẽn na hũn nado na nuhe yõn hugan Jehovah. To egbehe, Klistiani lẽ

ma nọ basi avósinsan he yin nùdego to Osén Mose tón mẹ lẹ gba; etomọso yé nọ basi avósinsan lẹ to linlẹn lẹ mẹ dọ yé nọ yí whenu, huhlẹn po nutindo yetón lẹ po zan nado sẹn Jehovah. Apósteli Paulu dohia dọ “gbeyiyi gbangba tón” todido Klistiani tón gona “dagbe wiwà po onú lẹ mimá hẹ mẹ-devo lẹ po” yin avósinsan he nọ hẹn home Jiwheyewhe tón hùn lẹ. (Heb. 13:15, 16) Mewhinwhàn he omẹ Jehovah tón lẹ do nọ tindo mahe to nuwiwa mọnkọtón lẹ mẹ nọ do lehe yé yón pinpẹn nuhe Jiwheyewhe wà na yé lẹpo tón do hia. Enẹwutu, kanşısa de tin to pọndohlan gona mewhinwhàn mehe nọ tindo mahe to sinsẹnzon Klistiani tón mẹ to egbehe lẹ tón po mehe basi avósinsan sọn ojlo mẹ wá to hohowhenụ lẹ tón po sẹn sẹn.

Onú Sisosiso Gbigbọmẹ Tón Lẹ

w05 15/5 19 huk. 6

Nuagokun lẹ sọn Owe Samuẹli Aweto Tón Mẹ

23:15-17. Davidi tindo sisi sisosiso na osén Jiwheyewhe tón gando ogbẹ po ohùn po go sọmọ bọ to nujijọ ehe mẹ, e họt ede ma nado wà nuhe sọgan ko taidi osén enẹ gbigbà. Mí dona wleawuna gbigbọ mọnkọtón gando gbedide Jiwheyewhe tón lẹpo go.

1^{er}-7 AOÛT

NUHỌAKUẸ LẸ SỌN OHÓ JIWHEYẸWHE TỌN MẸ | 1 AHỌLU LẸ 1-2

“Nọ Plọnnu sọn Nuşıwa Towe lẹ Mẹ”

it-2-F 870 huk. 3

Sọlomọni

To whenue Adonija po mehe kọnawudopo hẹ ẹ to sẹbibla etón mẹ lẹ po sẹ nuhiho sọn Gihọni he ma dẹn do yé paali, po awhágbe

lọ “Gbẹgaa na Ahọlu Sọlomọni!” po, obu jẹ yé ji bọ yé doge-wezun mẹ. Sọlomọni do jijiho susugege he na tin to gandudu etón whenu hia bo ma yiahosu. Eyin ewọ yiahosu wẹ, enẹ wẹ yè na nọ yí do flin bejẹjẹi gandudu etón tón. Afọ wẹ na yón bọ Sọlomọni ma na ko kú eyin Adonija wẹ yin ahọlu. Adonija honyi fiwiwe lẹ mẹ, amọ Sọlomọni domẹhlan bọ yè yí plan ẹn wá. Sọlomọni dọna Adonija dọ yè ma na hù i adavo e wá wà nuylankan de. Enẹgodo, e dọna ẹn dọ ni lẹkọyi whégbè.—1Ah 1:41-53.

it-1-F 48 huk. 5

Adonija

Amọ whenue Davidi kú, Adonija yí mọ Batişeba bo dọna ẹn dọ ni yí Sọlomọni dè bo biọ Abişagi na emi di asi, yèdọ awhli he penukundo Davidi go. E họnwun dọ Adonija mọdọ yè tafu emi, na ewọ he yigbe dọ Jiwheyewhe wẹ jlo dọ Sọlomọni ni yin ahọlu, sọ to didọ dọ “yẹn wẹ dona ko duahọlu, podọ Islaeli pete wẹ to nukundo dai dọ yẹn ni lẹzun ahọlu.” (1Ah 2:13-21) Yè gán lẹndọ yonnu lẹ biọ wẹ Adonija te poun di asi nado sú odò gandudu he gbọ e go lẹ tón. Amọ to hohowhenụ, to otò he to Whèzetẹn-waji lẹ mẹ, mehe jẹ ahọlu de tẹnme sọgbe hẹ osén wẹ nọ yí asi po asimọwhlá etón lẹ po. Po enẹ po, e họnwun dọ Adonija ma ko jo nukunkẹn do. (Yijlẹdọ 2Sa 3:7; 16:21 go.) Sọlomọni doayi nuhe obiọ Adonija tón bẹhẹn go bo degbe dọ yè ni hù i, bọ Benaia hù i hadopo.—1Ah 2:22-25.

Onú Sisosiso Gbigbọmẹ Tón Lẹ

w05 1/7 30 huk. 1

Nuagokun lẹ sọn Owe Ahọlu lẹ Tintan Tón Mẹ

2:37, 41-46. Lehe e yin owùnu do sọ nado lẹndọ mí sọgan dasá dogbó Jiwheyewhe tón

lẹ matin yasaname! Mèhe nọ zẹ sọn ‘ali jijlo he planmẹ yì ogbẹ mè’ lẹ ji sọn ojlo mè wá lẹ na jija kọdetọn nudide nulú tọn enẹ tọn. —Matiu 7:14.

AWUWIWLENA LIZONYIZỌN KUNNUDE-GBE TỌN

km 1/15 2 huk. 1-3

Nọ to Nukonyi Taidi Lizonyizọnwato De

¹ Klistiani lẹ dona nọ yinukọn to lizonyizọn yetọn mè. Enẹ wẹ zọn bọ Jesu zindonukọn nado plonazọn devi etọn lẹ gando yewheho-didọ go. (Luku 9:1-5; 10:1-11) Enẹ wẹ sọ zọn bọ Akuila po Pliskila po dọn Apolo do ogbẹ mè bo “hẹn aliho Jiwheyewhe tọn họnwun na ẹn to aliho he sọgbẹ mè dogọ.” (Owalọ 18:24-26) Whẹwhinwhẹn dopolọ wutu wẹ Paulu do na tuli Timoti, he yin yewheho-dọto numimonọ de, nado zindonukọn nado nọ jo ede na mepinplọn, na nukonyiyi etọn nido sọgan “họnwun na gbẹtọ lẹpo.” (1 Tim. 4:13-15) Mahoponna lehe e ko dẹnso bọ mí to azónwa na Oklunọ di afanumẹ, yèdọ taidi wẹnlatọ wëndagbe lẹ tọn, mí dona zindonukọn nado to lizonyizọn mítọn hẹn pọntẹ dogọ.

² **Nọ Plonnu sọn Mèdevo lẹ Dè:** Dopo to aliho he mè mí sọgan hẹn lizonyizọn mítọn pọntẹ dogọ te lẹ mè wẹ nado nọ plonnu sọn mèdevo lẹ dè. (Howh. 27:17) Enẹwutu, nọ na ayidonugo wẹnlatọ he a to azónwa hẹ to whenue e to hodona whétọ de. Nọ kàn ayiname sè gando adà lizonyizọn lẹ tọn tangan de go sọn wẹnlatọ kọdetọn dagbenọ lẹ dè bo nọ yí sọwhiwhe do dotoaina ayiname yetọn. (Howh. 1:5) Be a ma nọ yọn lehe a sọgan tindo mahe to adà lizonyizọn lẹ tọn devo lẹ mè do wẹ ya? Kavi a ma nọ yọn lehe a sọgan tindo mahe to adà lizonyizọn lẹ tọn devo lẹ mè do wẹ ya? Ze afọdide bo kanhose

nugopọntọ pipli kunnudegbe tọn towe kavi wẹnlatọ numimonọ de nado plonazọn we. Flindọ gbigbọ wiwe Jehovah tọn sọgan gọalọna we nado hẹn azonyinyọnen towe pọntẹ dogọ, enẹwutu nọ biọ gbigbọ wiwe etọn whẹwhẹ to odẹ mè.—Luku 11:13.

³ Eyin a ma tlẹ kàn ayiname biọ whẹpo mède do na we ayiname do lehe a sọgan yinukọn do ji, ma gblehomẹ blo. (Yewh. 7:9) Taidi Apolo, kẹlọyi alọgọ lẹ po whiwhe po bo yọn pinpẹn etọn. Aliho he mè gbẹtọ nuyọnẹntọ de nọ yinuwa te niyẹn.—Howh. 12:15.

8-14 AOÛT

NUHOAKUẸ LẸ SỌN OHÓ JIWHEYEWHE TỌN MẸ | 1 AHỌLU LẸ 3-4

“Nuyọnen Hoakue”

w11 15/12 8 huk. 4-6

Be Apajẹ Dagbe Wẹ E Yin Na We Ya Kavi Avase De?

⁴ To bejẹjẹji gandudu Sọlomoni tọn, Jiwheyewhe sọawuhia ẹ to odlo mè bo dọna ẹn nado basi obiọ de. Na Sọlomoni yọnen dọ emi ma tindo numimọ sọmọ wutu, e biọ nuyọnen. (**Hia 1 Ahọlu lẹ 3:5-9.**) Homẹ Jiwheyewhe tọn hùn dọ ahọlu lẹ biọ nuyọnen kakati nado biọ adọkun kavi gigo, enẹwutu, e na Sọlomoni “ayiha nuyọnen tọn de po sisè [kavi nukunnumojenumẹ] tọn de po” gọna adọkun. (1 Ahọ. 3:10-14) Dile Jesu donù e go do, nuyọnen Sọlomoni tọn jia-wu sọmọ bọ ahọsi Šeba tọn sèhó gandego bo basi gbejizọnlin gaa nado wá mọ po nukun etọn lẹ po.—1 Ahọ. 10:1, 4-9.

⁵ Mí ma nọ donukun nado mọ nuyọnen yí to azónjiawu-liho gba. Sọlomoni dọmọ: “Oklu-nọ wẹ nọ na [nuyọnen] omẹ,” şigba e sọ

dohia dọ mí dona dovivenu nado wleawuna jẹhenu Jiwheyewhe tọn enẹ to whenuena e wlan dọmọ: “Lẹ otó towe hlan nuyọnen go, bosọ jẹ ayiha towe hlan ayitunnugo.” Enẹ-wutu, e yí hogbe deleş zan taidi “to awhádo hodo,” po “dín” nuyọnen po. (Howh. 2:1-6) E họnwun dọ mí *sogan* yin nuyọnentọ.

⁶ Mí na wà dagbe nado kanse míde dọ ‘Be n’no yí nukun hoakue do pọn nuyọnen Jiwheyewhe tọn dile Sọlomoni wà do ya?’ Na ninọmẹ akuẹzinzan tọn ma tindo jidide ba wutu, mèsusu ko ze ayidonugo yetọn lẹpo do azọn po akuẹ po ji kavi ko dike enẹ ni yinuwado nudide yetọn gando obá he mẹ yé na yí wehọmẹ jẹ po wepinplon he yé na doafona po go. Etẹwẹ dogbọn hiẹ po whẹndo towe po dali? Be nudide mitọn lẹ nọ dohia dọ mì nọ ylo nuyọnen Jiwheyewhe tọn dọ nujonu bosọ nọ dín in ya? Be vojlado bibasi to yanwle mitọn lẹ mẹ sogan goalona mì nado tindo nuyọnen dogọ ya? Na nugbo tọn, nuyọnen tintindo po yíyí i zan po na hẹn ale wá na mì kakadoi. Sọlomoni wlan dọmọ: “Whenenu wẹ hiẹ na tunwun dodo, po whẹdida po, po kunnu-mahu po; yèdọ omọ dagbe lẹpo.”—Howh. 2:9.

Onú Sisosiso Gbigbọmẹ Tọn Lẹ

w98 1/2 11 huk. 15

Jehovah Yin Jiwheyewhe Alẹnu Tọn De

¹⁵ Po okunkan Ablaham tọn heyin titobasina taidi akọta de to Osẹn glọ po, Jehovah dona yé sọgbe hẹ opagbe etọn hlan tọgbo lọ. To owhe 1473 J.W.M., mẹhe jẹ otẹn Mose tọn mẹ, yèdọ Joşua, plan Israeli biọ Kenani. Aigba mimá he bodego to whẹndo lọ lẹ sẹnşen hẹn opagbe Jehovah tọn nado na aigba lọ hlan okún Ablaham tọn dī. To whenuena Israeli yin nugbonọ, Jehovah hẹn opagbe etọn nado na awhangbigba yé do kẹntọ yetọn lẹ ji dī. Ehe

yin nugbo taun to gandudu Ahọlu Davidi tọn whenu. To ojẹ visunnu Davidi tọn Sọlomoni whenu, adà atọtọ alẹnu Ablaham tọn yin hinhendi. “Juda po Israeli po yin susu, di otòkẹn he tin to ohù tó to gege mẹ, to dùdù bo nùnù bo to aglinjẹ basi.” —1 Ahọlu lẹ 4:20.

15-21 AOÛT

NUHOAKUE LẸ SỌN OHÓ JIWHEYEWHE TỌN MẸ | 1 AHỌLU LẸ 5-6

“Yé Wazọn lọ po Ahundopo Po”

w11-F 1/2 15 huk. 5

Be Hiẹ Yọnen Ya?

Atin vonọtaun wẹ kedali Lẹbanoni tọn yin. E nọ yonwhanpẹ taun, nọ dọjì bo nọ dewán gbblingblin, podọ wanvú lẹ ma nọ yawu dù i. E dohia dọ atin dagbe hugan wẹ Sọlomoni yí do gbá tẹmpli lọ. Kedali-tin he nọ gọ osó Lẹbanoni tọn lẹ ji dai masọ sù sọmọ ba.

it-1-F 411 huk. 1

Kedali

Huhlọn-zónwatọ fọtón susu wẹ e biọ nado mọ owhlẹ kedali tọn planplan enẹ. Yé nọ sán atin lọ lẹ, kùn yé gbọn ohù Meditẹlane ji yí Tile kavi Sidoni, blá yé dopọ bo wá de yé do agé, vlavo to Jọpa. Enẹgodo, yè nọ dọn owhlẹ lọ lẹ yí Jelusalẹm. Gbekondopo he to Sọlomoni po Hilami po sẹnşen wẹ hẹn ẹn yonbasi. (1Ah 5:6-18; 2Ot 2:3-10) Owhlẹ kedali tọn nọ biọ otò lọ mẹ sọmọ bọ yè gán dọ dọ to gandudu Sọlomoni tọn whenu, “atin kedali tọn sù tlala taidi atin sikomoli tọn.” —1Ah 10:27; yijlẹdo Isa 9:9, 10 go.

it-2-F 1047 huk. 8

Tẹmpli

Lehe Sọlomoni basi tito azọn lọ tọn do die: e de sunnu 30000 sọn Israelivi lẹ mẹ bo nọ do 10000 to yé mẹ hlan Lẹbanoni to

aliho mejije-mejije ton me. Ye no no don na osun dopo bo no no whégbè na osun awe. (1Ah 5:13, 14) E so de pako paa 70000 son sunnu he to “jonò-gbéji” to aigba Islaeli ton ji le me, podò zannu-pàtò 80000. (1Ah 5:15; 9:20, 21; 2Ot 2:2) Humò, e de azóngán 550, podò e di dò alogotò 3300 wè e de do oglo na yé. (1Ah 5:16; 9:22, 23) Omè 250 to yé me wè na ko yin Islaelivi bo omè 3600 he pò le yin jonò to Islaeli.—2Ot 2:17, 18.

Onú Sisosiso Gbigbome Tón Lẹ

g-F 5/12 17, apotin

Dodai Biblu Tón lẹ Nọ Sogbe Janwe, Apá 1

OJLẸ HE GO BIBLU NỌ DONÙ LẸ NỌ SỌGBE

Kandai he to 1 Aholu lẹ 6:1 me dohia do ojle he go Biblu nọ donù lẹ nọ sogbe. Wefo lo do whenue Aholu Solomoni je templi Jerusalem ton gbá ji. Kandai lo domo: “*Owhe 480 [kavi owhe 479 pipé] to whenue Islaelivi lẹ ko tónjẹgbonu sọn aigba Egipti tón ji godo, to owhe ẹnẹtọ gandudu Solomoni tón do Islaeli ji me, to osun Zivi tón me (enẹ wẹ, osun aweto), ewo je ohò Jehovah tón gbá ji.*”

Po kunnudenu he to Biblu me le po, owhe ẹnẹtọ gandudu Solomoni tón je do owhe 1034 J.W.M. Todin, eyin mí hia owhe 479 pipé lo le sọn owhe enẹ me, e plan mí wá owhe 1513 J.W.M, he yin owhe he me Islaelivi le tlon kanlinmogbenu to Egipti.

22-28 AOÛT

NUHỌAKUẸ LẸ SỌN OHÓ JIWHEYẸWHE TỌN MẸ | 1 AHOLU LẸ 7

“Nuhe Dòtin Awe Dele Plọn Mí”

w13-F 1/12 13 huk. 3

‘Hiẹ Sọgan Nọ Kùn Gànveẹ sọn Osó lẹ Ji’

Gànveẹ he Aholu Solomoni yi do doasọna templi Jerusalem ton ma whè. Otó eton Davidi wẹ be gànveẹ lo le sọn Silianu le si to whenue e gbawhàn yeton. (1 Otannugbo lẹ 18:6-8) “Ohù gànkindon ton” yin basia daho de he yè yi gànveẹ do basi bo finẹ wẹ yè wheno le no klo alo po afọ po te. E no hen osin litli 66000 bo gán pèn sọ tonu 30. (1 Aholu lẹ 7:23-26, 44-46) Dòtin daho blibata gànveẹ ton awe sọ tin to templi lo nukon. Yé dite sọ metlu 8 bo ota gànveẹ ton to aga na dopodopo yeton. Ota lo le yiiji sọ nudi metlu 2. Dòtin lo le gblo sọ nudi metlu 2 bo tonu yeton le tli sọ santimetlu 7 daa, podò yé do odò to homẹ sọn aga wá odò. (1 Aholu lẹ 7:15, 16; 2 Otannugbo lẹ 4:17) E hönwun dò gànveẹ he yè zan sù tlala.

it-1-F 355 huk. 6

Boazi, II

Dòtin gànveẹ ton daho awe wẹ to nukonna atòhò templi blibata he Solomoni gbá bo dehe to agewaji lo yin yiylodò Boazi he na ko zẹmẹdo “To Huhlon Mẹ.” Dehe to hùwaji uwọ yin yiylodò “Jakini” bo zẹmẹdo “Na [Jehovah] Ni Hẹn Lodo Gligli.” E dohia do eyin mède pannukon hùwaji bo na hia nuhe yin kinkan do dòtin awe lo le go sọn adusi yi amiyon, e na yin ‘Na [Jehovah] ni hẹn [templi lo] lodo to huhlon mẹ.’—1Ah 7:15-21; pọn CHAPITEAU.

Onú Sisosiso Gbigbome Tón Lẹ

it-1-F 257 huk. 14

Awulilẹ

Jehovah jlo do mehe no sẹn emi le ni no wiweji. Anademẹ he no yin hihodo to gòhò-túntún me le, po dehe wá yin zizedai na mehe no wá sinsẹnzon to templi me le po do ehe hia hezeheze. To whenue Mose jlo

na na așe Yewhenọ Daho Aalọn po visunnu eton le po, ye lawu whẹpo do dó awù yewhenọ ton yeton le. (Eks 29:4-9; 40:12-15; Le 8:6, 7) Yewhenọ le nọ yi osin he to basia gànvee ton mẹ to awánu gòhótúntún lọ ton mẹ do klọ alọ po afọ po. Amọ to nukon mẹ, osin he to ohù gànvee ton mẹ to templi Sọlomoni ton mẹ wẹ ye nọ yizan. (Eks 30:18-21; 40:30-32; 2Ot 4:2-6) Yewhenọ daho nọ lawu whla awe to Azán Ovesè ton gbè. (Le 16:4, 23, 24) Humọ, osen lọ biọ to mēdele si nado nọ lawu bo yàn avọ yeton whẹpo do lẹkọwa osla lọ mẹ. Yewlẹ wẹ mēhe do gbogboe de hlan sọn osla lọ mẹ di Azazeli le, mēhe bẹ nuhe pọ sọn kanlin he ye yi do sanvọ le go yi gbonu osla lọ ton le, po mēhe ze oyinsi vee he ye do sanvọ lọ yi le po.—Le 16:26-28; Sọh 19:2-10.

29 AOÛT–4 SEPTEMBRE

NUHỌAKUE LẸ SỌN OHÓ JIWHEYEWHE TỌN MẸ | 1 AHỌLU LẸ 8

“Odẹ Gbangba Tọn de He Do Whiwhe Hia”

w09 15/11 9 huk. 9-10

Hẹn Odẹ Towe lẹ Pọnte Gbọn Biblu Pinplọn Dali

⁹ Whẹpo Jehovah nido sè odẹ mēde tọn, e dona wá sọn ahun mẹ. Sọlomoni hodẹ ahundopo tọn de, he yin kinkandai to 1 Ahọlu lẹ weta 8 mẹ, to gbẹtogun he pli to Jelusalẹm na klandowiwe templi Jehovah tọn lọ nukon to 1026 J.W.M. To whenue aki alẹnu tọn yin zizedo Fiwiwe Gbaugbau lọ, bọ aslọ Jehovah tọn gọ templi lọ mẹ, Sọlomoni pagigona Jiwheyewhe.

¹⁰ Lennupondo odẹ Sọlomoni tọn ji, bo do-ayi aliho he mẹ e donù ayiha go te to odẹ eton mẹ. Sọlomoni dọ dọ Jehovah kẹdẹ wẹ

nọ yọn nuhe tin to ahun gbẹtọ tọn mẹ. (1 Ahọ. 8:38, 39) Odẹ dopolọ dohia dọ to-dido tin na ylandonọ he ‘yi ayiha eton lẹpo do gọ do Jiwheyewhe dè.’ Eyin kẹntọ de wle omẹ Jiwheyewhe tọn lẹ, Jehovah na sè odẹ yeton eyin ye tindo ayiha pipé. (1 Ahọ. 8:48, 58, 61) Enẹwutu, odẹ towe lẹ dona nọ wá sọn ahun mẹ.

w99 15/1 17 huk. 7-8

Ze Alọ Nugbonọ lẹ Daga to Odẹ Mẹ

⁷ Vlavo eyin mí to odẹ gbangba tọn kavi mēdetiti tọn hò, nunqwhinnusen Owe-wiwe tọn titengbe he dona yin hinhen do ayiha mẹ wẹ yindọ mí dona do walọ whiwhe tọn hia to odẹ míton lẹ mẹ. (2 Otannugbo lẹ 7:13, 14) Ahọlu Sọlomoni do whiwhe hia to odẹ gbangba tọn eton mẹ to klandowiwe templi Jehovah tọn whenu to Jelusalẹm. Sọlomoni ko sẹsẹ dotana dopo to ohọ daho hugan lẹ mẹ he hunkọ ma ko yin gbigbá to aigba ji pọn. Sogan, e hodẹ po whiwhe po dọmọ: “Be Jiwheyewhe to owalọ nugbo mẹ na nọ aigba go? Doayi e go, olon po olon olon lẹ tọn po ma sogan hẹn we; whè sọ na ohọ he ehe yẹn ko dó!”—1 Ahọlu lẹ 8:27.

⁸ Taidi Sọlomoni, mí dona tindo whiwhe to whenuena mí nọtena mēdevo lẹ to odẹ gbangba tọn mẹ. Dile etlẹ yindọ mí dona dapana dodonọ mēdetiti tọn jilá to hodidọ mẹ, whiwhe sogan yin didohia gbọn kọ-nugbè míton dali. Odẹ whiwhe tọn lẹ ma nọ yin hogbe goyi yi tọn kavi numọtolanmẹ glanglan tọn gba. Ye nọ dọn ayidonugo, e mayin do mēhe to dẹho lọ ji gba, sığba do Omẹ lọ he ye to hodona lọ ji. (Matiu 6:5) Whiwhe sọ nọ yin didohia gbọn nuhe mí dọ to odẹ mẹ dali. Eyin mí hodẹ po whiwhe po, mí ma na dọho taidi dọ mí to dindin dọ Jiwheyewhe ni wá onú delẹ dile míwlẹ jlo gbọn gba. Kakatimọ, mí na vẹ Jehovah

nado yinuwa to aliho he sɔgbe hẹ ojlo wiwe eton mẹ. Psalmkantọ lẹ ze apajlẹ waloyizan he sɔgbe ton dai to whenuena e vẹvẹ domọ: “Whlẹnme lẹ, mí vẹ we, OKLUNỌ E: Do yón-na hlan lẹ, mí vivẹ we, OKLUNỌ E.”—Psalm 118:25; Luku 18:9-14.

Onú Sisosiso Gbigbomẹ Tọn Lẹ

it-1-F 475 huk. 3

Olọn

Solomoni he gbá tẹmpli Jelusalem tọn dọ dọ “olọn olọn lẹ tọn” ma gán hẹn Jiwheyewhe. (1Ah 8:27) Na Jehovah wẹ dá olọn lẹ wutu, otẹn he mẹ e te yiaga taun hú olọn lẹ lẹpo bo “oyín eton kẹdẹ wẹ klohugan. Gigo daho eton yiaga hú aigba po olọn po.” (Slm 148:13) Ewọ nọ jlẹ olọn lẹ kẹdẹdile gbẹtọ gán yí alọsu po alọvi pẹvi pete eton po do jlẹ nude do. (Isa 40:12) Nuhe dọ Solomoni te tofi ma yindọ Jiwheyewhe ma nọ nọ ofi tangan de gba. E masọ yindọ e to fi lẹpo bo to nulẹpo mẹ wẹ gba. To fidevo, Solomoni tlẹ dọ Jehovah nọ sẹ “sọn olọn mẹ, yèdọ fininọ” eton he yin fie angeli lẹ nọ nọ.—1Ah 8:30, 39.

AWUWIWLENA LIZONYIZON KUNNUDE-GBE TON

km 5/10 2

Klistiani Lizonyizonwatọ lẹ Dona Nọ Hodẹ

¹ Mí ma sọgan wà lizonyizon lẹ dotana gbọn huhlẹn míton dali gba. Jehovah nọ na mí huhlẹn nado wà azọn lẹ. (Flp. 4:13) E nọ yí angeli eton lẹ zan nado goalona mí nado sọgan mọ omẹ taidi lẹngbọ lẹ. (Osp. 14:6, 7) Jehovah wẹ nọ hẹn okún he mí do bo húsinna lẹ whẹn. (1 Kọl. 3:6, 9) Lehe e yin nujonu dọ Klistiani lizonyizonwatọ lẹ ni nọ ganjẹ Otọ míton olọn tọn go to odẹ mẹ do sọ!

² **Nọ Hodẹ to Ninomẹ Lẹpo Mẹ:** Mí dona nọ hodẹ to ninomẹ dopodopo mẹ dile mí to yẹ-whehodọ. (Efe. 6:18) Etẹlẹ ji wẹ mí dona nọ hodẹ do? Mí sọgan hodẹ nado tindo pondo-hlan dagbe gando mēhe to aigba-dename míton ji lẹ go podọ nado tindo adogbigbo. (Owalọ 4:29) Mí sọgan biọ Jehovah nado deanana mí yí omẹ ahunjijlẹnọ he mí sọgan plẹn Biblu hẹ lẹ dẹ. Eyin whétọ de kàn kan-biọ sẹ, mí sọgan hodẹ kleun to ahun mẹ nado biọ Jehovah dọ ni goalona mí nado na gblondo he sɔgbe. (Neh. 2:4) Mí sọ sọgan biọ nuyẹnẹn nado ze lizonyizon lẹ do otẹn tintan mẹ zọnmii. (Jak. 1:5) Humọ, homẹ Jehovah tọn nọ hùn eyin hogbe he mí yizan to odẹ míton mẹ lẹ nọ do pinpen-nuton-yinyẹnẹn hia na lẹblanulọkeyi he mí tindo nado yin lizonyizonwatọ eton.—Kọl. 3:15.

³ **Nọ Hodẹ Na Mèdevo Lẹ:** Mí sọ dona “nọ hodẹ na ode awetọ,” bo tlẹ nọ ylo yinkọ lizonyizonwatọ hatọ lẹ tọn to whenue e biọ domọ. (Jak. 5:16; Owalo 12:5) Be nuhe hiẹ sọgan wà to azọn yewhēhodidọ tọn mẹ tin-do dogbó na agbasa towe to godo yí wutu wẹ ya? Eyin mọ wẹ, nọ hodẹ na lizonyizonwatọ hatọ he tindo agbasalilo lẹ. Ma yí nukunpẹvi do pọn nuhe odẹ towe sọgan wà na mèdevo lẹ blo! E sọ sɔgbe nado nọ hodẹ na mēhe to otẹn ašẹpipa tọn mẹ lẹ nado tindo pondo-hlan dagbe gando azọn yewhēhodidọ tọn go, na mēmēsunnu míton lẹ nido “zindonukon to gbẹzan abọeninọ tọn po whii-ninọ tọn po” mẹ.—1 Tim. 2:1, 2.

⁴ Wẹndagbe lẹ lilá to aigba fininọ lẹpo ji yin azọndenamẹ daho de. Eyin mí “sinyẹnlin to odẹ mẹ,” mí na wazọn lẹ dotana po alọgo Jehovah tọn po.—Lom. 12:12.

